

II. Aufzeichnung des Dompropstes Nicolaus Huot über die
Schenkung seiner Salinengüter an die Hildesheimer Kirche.
1382, August 14.

Nicolaus Huot prepositus ecclesie
Hildensemensis.

Sequntur articuli pro informacione facti concernentis translacionem bonorum salinarium factam sub certis modis in ecclesiam Hildensemensem per me Nicolaum Huot prepositum Hildensemensem, que informacio plures idcirco continet circumstancias facti, ut ex illis eo melius quid iuris habeat Hildensemensis ecclesia per translacionem possit considerari et ne me defuncto facilius evenire possit inpugnacio dicte translacionis propter ingnoranciam facti et ipsius circumstanciarum.

Inprimis de illis, que concernunt acta circa bona Hermanni Huot senioris patris mei a tempore mortis ipsius usque ad tempus contracti matrimonii Jacobi Huot fratris mei, sciendum, quod bone memorie Hermannus predictus pater meus tempore mortis sue fuit oneratus multis debitis, quorum nonnulla contracta fuerunt intuitu bone memorie domini Johannis episcopi Osnaburgensis fratris mei tunc videlicet tempore mortis predicti patris mei adhuc viventis. Jacobus autem predictus debitis se inmiscuit et hereditati paterne et ipsam hereditatem ac matrem nostram et Fredericum fratrem nostrum ac sororem nostram Benedictam viduam, que antea erat ab hereditate predicta tempore contractus matrimonii separata, sed ad nos propter mortem et infortunium mariti reversa, procuravit et circa illa curam habuit et per aliquot annos nec dictus dominus meus Johannes episcopus Osnaburgensis nec ego inmiscuimus nos hereditati seu de hereditate; ego tamen hereditatem non repudiavi sed tacui quasi deliberando nec scio, quod dominus Osnaburgensis